

NOTAT

15. oktobari 2025

Vores reference:

Sag: 2025136453

Maritim regulering og jura

/ Niels Skriver Nielsen

Umiarsuit sananeqarnerat atortuulu il.il. pillugit, imaani inuup inuuneranik isumannaallisaaneq pillugu nunat tamat akornanni isumaqatigiissutip naammassineqarnera pillugit nalunaarut (SOLAS) 1974-imeersoq - 2026-mut nutarterinermut missingiutip tusarniutigineqarnera

Missingiutikkut **imaani inuup inuuneranik isumannaallisaaneq pillugu nunat tamat akornanni isumaqatigiissummut (SOLAS 1974) danskit inatsisaanni** allannguutit kingulliit naammassineqarput. Allannguutit nunani tamalaani atuutilissapput ulloq 1. januar 2026 aamma 1. januar 2028.

Pingaarutilinnik tulliuttunik allannguisoqarpoq:

Kapitali II-1-imut Ilusilersuineq – sananeqarnera, aggornilersuineq aamma patajaatsuunera, maskiinat aamma atortut kallerup inniliortut

Umiarsuarnut imerpalasumik usisaatilinnit allaanerusunut ilanngaatitaqanngitsumik 20.000 BT-nik annerusumik usitussuseqartunut navianartorsiormi kalitsinnissaq pillugu nutaanik malittarisassanik ilanngussisoqarpoq. Umiarsuarnut 1. januar 2028-mi imaluunniit tamatuma kingorna sananeqartunut malittarisassat atuutissapput aamma piumasaqaatinut nutaanut naleqqussarnissamut inuussutissarsiummut piffissaqartitsiniarluni massakkut ilanngunneqarlutik.

Tamatuma saniatigut atortussanut kivitsissutitut, atortunut kivitsissutitut aamma kisap amoorutaanut, 1. januar 2026-p kingorna ikkunneqartut malittarisassat nutaat eqqunneqassapput. Umiarsuup atorneqalinnginnerani ataavartumik Safe Working Load (SWL) pillugu nalunaaqutsersuinissaq, aamma artukkerneqarsinnaanerup misilinneqarnera pillugu piumasaqaat ilaatinneqarput kiisalu taakku ingerlatseqatigiiffittut sullissiviit arlaannannulluunniit attuumassuteqanngitsut akuerisaasut malittarisassaannut naapertuuttumik ilusilersorneqarsimaneri, sananeqarsimaneri aamma ikkunneqarsimanissaat imaluunniit tamanut atugassiat, isumannaatsuunissap assinganik qulakkeerinnittut, tassani ilaatigut ilaatinneqarput. Atortussiat kivitsissutit aamma kitsap amoorutai 1. januar 2026 sioqqullugu ikkunneqarsimasut, misilittarneqassapput aamma 1. januar 2026-p kingorna nutartikkamik misissuineri siullermit kingusinnerunngitsumik, IMO-p ilitersuutai tunngavigalugit peqqissaartumik misissuineri ingerlatsiffineqassallutik.

SØFARTSSTYRELSEN

Caspar Brands Plads 9

4220 Korsør

Tlf. 72 19 60 00

CVR-nr. 29 83 16 10

EAN-nr. 5798000023000

sfs@dma.dkwww.sofartsstyrelsen.dk

ERHVERVSMINISTERIET

NOTAT

Kapitali II-2, Ilusilersuineq – ikuallajaallisaaneq, ikuallannerup nassaarineqarnera aamma qaminneqarnera

Umiarsuit, ikummatissamik umiarsuarmut ikisinnginnerminni, ikummatissatut uuliamik nassartut, ilaatigut ikummatissap imerpalasup aalalernissaanut taamaalillunilu ikummaatinnginnermini kissassusissaata appasinnerpaaffia pillugu piumasaqaatinik eqqortitsinera kiisalu ikummatissap imerpalasup aalalernissaanut taamaalillunilu ikummaatinnginnermini kissassusissaata appasinnerpaaffiata aalajangersarneqarneranut misissuinermi periaatsit atorneqarsimasut, umiarsuarmi usisarfirmik pisiortorfiup nalunaarutaanik umiarsuit pinissaat pillugit malittarisassat nutaat eqqunneqassapput. Tamatuma saniatigut umiarsuarmi usisarfirmik pisiortorfinnut, piumasaqaammik massuminnga naammassinninngitsunut, nakkutilliinissaq aamma atortitsineq pillugit piumasaqaatit ilaapput.

Ikuallannermik qatserutit perluoroktansulfonsyrenik (PFOS-inik) imallit umiarsuarnut 1. januar 2026-imi taassumaluunniit kingorna sananeqartunut atuinnissaq toqqortaqaqnissarlu tamatuma saniatigut inerteqqutigineqarput. Ikuallannermut qatserutit atortussiamik taassuminnga imallit, nunami tiguisarfinnut attuumassuteqartunut tunniunneqassapput.

Umiarsuarnut usisaatinut ikuallannissamut illersuutit pillugit piumasaqaatit nutaat aammattaaq eqqunneqarput, matumani immikkut ittumik ini nakkutilliiffiisoq pillugu illersuinissaq ilanngullugu. Tamatuma saniatigut qamutit inissaanni inini, usit inaannut immikkut ittunut, qamutit kivinneqaratik assakaallutik ininut ammasunut matoqqasunullu isertinneqartarnerinut anninneqartarnerinillu atorneqartartunut kiisalu umiarsuup qaavini silamit sunnerneqarnerpaani qamutit angallanneqarnissaannut atorneqartussatut eqqarsaatigineqartunut ikuallannissamut illersuusersuinissamut piumasaqaatit annertunerulerput. Tassunga tapiliullugu video atorlugu nakkutiginninneq, aaqqiissutissarsionertalimmik ikuallajaallisaanermut piumasaqaatit annertunerusut aamma umiarsuarmi ammanerit kiisalu umiarsuup qaavini silamit sunnerneqarnerpaani ikuallannerit qatserneqarnissaannut systemit pillugit piumasaqaatit nutaat atuupput.

Kapitali V, Umiartornermut isumannaallisaaneq

Umiarsuarnut containerinik angallassisunut aamma umiarsuarnut poortorsimanngitsunik assartuussisunut 3000 BT sinnerlugit usitussusilinnut, umiarsuup puumigaarneranik takutitsinissaq aamma nalunaarsuinissaq aalajangersarniarlugu, uinganermut uuttortaammik elektroniskiusumik imaluunniit atortumik assigiinngitsunik nassarnissaat pillugit piumasaqaatit nutaat eqqunneqarput.

NOTAT

Tamatuma saniatigut containerinik annaasaqarneq imaluunniit containerit immami puttasut takuneqarneranni nalunaaruteqarnissamik piumasaqaat eqqunneqarpoq.

Kapitalimut qulequttap paasissutissiinerunissaa aamma oqaasertaliornernut nutaaliaanerusunut naapertuunnerunerunissaa anguniarlugu, qulequtaq umiartornerup toqqissisimanarnerulernissaanit umiartornerup isumannaatsuunissaanut allanngortinneqarpoq.

Kapitali XIV, Umiarsuarnut issittup imartaaniittunut isumannaallisaneq

Umiarsuarnut aalisariutinit 24 meterit sinnerlugit takitigisunut, umiarsuarnut sunngiffimmi atukkanut 300 BT sinnerlugit ilanngaataqanngitsumik tonsilinnut, inuussutissarsiuutigalugu umiartornernut atorneqanngitsunut aamma umiarsuarnut usisaatinut ilanngaataqanngitsumik 300 BT-nik usitussusilinnut, kisianni 500 BT-t ataaniittunut issittup imartaani umiartornermi malittarisassat atuuttussanngorlugit annertusineqarput.

Tusarniaanermut akissutit

Missingiut tamanut tusarniutigalugu ulloq 15. oktober 2025 nassiunneqarpoq kingusinnerpaamik akissuteqarfigineqassalluni ulloq 12. november 2025.

Atulersitsineq

Nalunaarut atuutilissaaq ulloq 1. januar 2026.